



Broj: 01-49-2-1790/13

Datum: 18.07.2013.godine

IZVJEŠTAJ

o radu Općinskog vijeća Tešanj za period 01.01. – 30.06.2013. godine

UVODNI DIO

Članom 117. Poslovnika o radu OV-a utvrđeno je sljedeće:

1. Općinsko vijeće obavezno je putem nadležne službe izraditi šestomjesečni i godišnji izvještaj i isti nakon usvajanja na sjednici Općinskog vijeća objaviti.
2. Izvještaj iz prethodnog stava obavezno obuhvata:
 - a) broj donesenih odluka,
 - b) broj primljenih komentara za svaku odluku pojedinačno,
 - c) broj odluka koje su inicirali građani,
 - d) broj održanih javnih rasprava,
 - e) broj građana koji su prisustvovali javnim raspravama,
 - f) broj sprovedenih analiza ekonomske opravdanosti,
 - g) broj građana koji su prisustvovali sjednicama Vijeća i
 - h) prisustvo vijećnika sjednicama Vijeća.

Izvještaj o radu Općinskog vijeća Tešanj za period 01.01. – 30.06.2013. godine predviđen je u trećem kvartalu Programa rada za 2013. godinu.

IZVJEŠTAJNI DIO

- a. Općinsko vijeće je donijelo 18 odluka, 5 rješenja i 77 zaključka,

Sagleda li se struktura tema i pitanja o kojima se vodila rasprava i donosili određeni zaključci u izvještajnom periodu najbrojniji su bili prijedlozi odluka (18), informacije (17), inicijative (14), rješenja (5), izvještaji (6), ostali prijedlozi (3).

U javnu raspravu upućen je Nacrt Odluke o usvajanju Strategije



razvoja općine Tešanj 2018. u trajanju od 45 dana usvojen na 4. sjednici održanoj 30.01.2013. godine.

U izvještajnom periodu Općinsko vijeće je nakon provedenih rasprava usvojilo ukupno 100 akata i to 18 odluka, 5 rješenja, i 77 zaključka (koji se odnose na 17 informacija, 7 inicijativa, 6 izvještaja, 3 zaključka imovinsko pravne prirode i 44 zaključaka po prijedlozima vijećnika).



b. Komentara na odluke koje je Vijeće donijelo u izvještajnom periodu nije bilo,

c. Općinsko vijeće je donijelo 2 odluke koje su inicirali građani,

d. Održane su četiri javne rasprave.

e. Tematskim raspravama se odazvalo 99 osoba.

f. Sjednicama vijeća pored redovnih gostiju prisustvovala su 3 građana,

g. Nije bilo odluka koje su zahtjevale ekonomsku opravdanost,

h. Prisustvo vijećnika sjednicama Vijeća bilo je dobro jer su svakoj sjednici Vijeća, od ukupno 25 vijećnika, u prosjeku prisustvovala 23 vijećnika,

Prisustvo sjednicama Vijeća bilo je dobro jer su svakoj sjednici Vijeća, od ukupno 25 vijećnika, u prosjeku prisustvovala 24 vijećnika ili 96 %. Na ukupno 6 održanih sjednica Vijeća u I polugodištu 2013. godine, uglavnom nakon ranije najavljenog opravdanog odsustva, sjednicama Vijeća nisu prisustvovali slijedeći vijećnici:

| | | |
|----|-----------------------|-------------------|
| 1. | Ajanović Ekrem | 1 sjednice Vijeća |
| 2. | Bernadeta Galijašević | 2 sjednica Vijeća |
| 3. | Starčević Miralem | 1 sjednica Vijeća |
| 4. | Vahdet Hrvić | 1 sjednica Vijeća |
| 5. | Osman Pilav | 1 sjednica Vijeća |
| 6. | Aida Salkić | 1 sjednica Vijeća |

OSTALO

Općinsko vijeće Tešanj je u periodu 01.01. – 30.06.2013. godine radilo u redovnim javnim zasjedanjima. Održano je ukupno 6 radnih sjednica. Sjednice Vijeća u izvještajnom periodu trajale su u prosjeku oko 4 sata. Na 5. sjednici koja je održana

27.02.2013.godine na poziciju zamjenika predsjedavajućeg Općinskog vijeća izabran je Begović Rifet.

Shodno čl.15 Poslovnika o radu Općinskog vijeća Tešanj realizovano je 5 edukacija vijećnika u principu 30 minuta prije početka sjednice Vijeća na temu: Poslovnik o radu Općinskog vijeća Tešanj - predavač Fuad Šišić, Statut općine Tešanj - predavač Mirnes Dedukić, Zakon o principima lokalne samouprave - predavač Arijana Brkić, Komuniciranje sa javnošću - predavač Edina Kadušić i Prostorno-planska dokumentacija - predavač Nadir Medarić. Na prvoj edukaciji bilo je prisutno 19 vijećnika, na drugoj 14, na trećoj 10, na četvrtoj 10 i na petoj edukaciji bilo je prisutno 14 vijećnika.

Na dnevnom redu sjednica Vijeća bilo je 49 tačaka, od čega su 21 ili 42% bile predviđene Programom rada Vijeća za 2013. godinu. Ostalih 28 tačaka ili 57,14% bile su tekuće aktivnosti nastale kao posljedica zahtjeva građana, poslovnog svijeta i drugih subjekata pred administracijom. U prosjeku je bilo po 8 tačaka dnevnog reda po jednoj sjednici.

Da bi se stekla realna slika navedenih podataka, odnosno rada Vijeća u I polugodištu 2013. godine potrebno je navedene podatke uporediti sa planskim aktivnostima koje su definirane Programom rada Vijeća za 2013. godinu, što je iz narednog pregleda jasno vidljivo:

| Vrsta | Odluke | Rješenja | Ostali prij. (zaključak) | Informacije | Izvještaji | Ukupno | Vjećnička pitanja | Inicijativa | Zaključci ukupno |
|-------------|--------|----------|--------------------------|-------------|------------|-----------|-------------------|-------------|------------------|
| Planirano | 3 | 0 | 0 | 12 | 6 | 21 | - | - | - |
| Realizovano | 18 | 5 | 3 | 17 | 6 | 49 | 58 | 14 | 77 |

Osnovne tematske odluke, koje je Vijeće u izvještajnom periodu donijelo, bile su:

- Odluka o usvajanju Strategije razvoja općine Tešanj 2018.,
- Odluka o usvajanju Liste kapitalnih projekata za budžetsku 2013.godinu,
- Odluka o usvajanju Akcionog plana jačanja socijalne zaštite i inkluzije djece općine Tešanj za 2013-2014g.
- Odluka o izmjenama i dopunama Odluke o organizaciji i sigurnosti saobraćaja na cestama,
- Odluka o izmjeni i dopuni Odluke o izmjeni naziva ulica i trgova u Tešnju, Jelahu i Tešanjci,
- Odluka o izmjeni i dopuni Odluke o načinu raspodjele budžetskih i drugih sredstava za dugoročnu podršku realizaciji kapitalnih projekata,
- Odluka o usvajanju Programa novčanih podsticaja za unapređenje poljoprivredne proizvodnje na području općine Tešanj u 2013.godini,
- Odluka o visini prosječne konačne građevinske cijene na području općine Tešanj,
- Odluka o utvrđivanju javnog interesa za izgradnju priključnog cjevovoda u Mjesnoj zajednici Miljanovci,
- Odluka o provođenju izmjena Regulacionog plana "CENTAR" Jelah, Općina Tešanj,

- Odluke o izmjenama i dopunama Odluke o odobravanju kreditnog zaduženja JP Toplana d.d. Tešanj i davanju garancije Općine za kreditno zaduženje kod Razvojne banke Federacije BiH,
- Odluka o zamjeni zemljišta po zahtjevu mjesne zajednice Oraš Planje,
- Odluka o davanju zemljišta u zakup na lokalitetu zvanom "Ljeskovac",
- Odluke o formiranju Popisne komisije općine Tešanj za popis stanovništva, domaćinstava i stanova u BiH 2013. godine,
- Prijedlog Odluke o pogodnostima za investitore u RP "Poslovna zona" Bukva,
- Odluke o prenosu prava na nekretninama,
- Odluke o izmjenama i dopunama Odluke o korištenju javnih površina.

Aktivnosti Općinskog vijeća zasnivale su se na zadacima utvrđenim Programom rada Vijeća za 2013. godinu. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo. Iako obiman materijal, Kolegij je redovno iskazivao razumijevanje za sve predložene tačke dnevnog reda, te se skoro sva planirana tematika za sjednice usvajala jednoglasno. Ovakav ambijent u radu Kolegija doprinio je konstruktivnoj atmosferi i u radu Vijeća.

Materijali za sjednice Vijeća su uglavnom dostavljani najmanje 7 dana prije održavanja sjednice, čime je redovno poštovana procedura predviđena Poslovnikom o radu Vijeća. Ovdje je važno napomenuti da se cjelokupan radni materijal planiran za sjednice Vijeća, odmah poslije sjednice Kolegija objavljuje na zvaničnoj web strani Općine. Ovim činom sav materijal činimo dostupnim svim građanima sa ciljem da do početka sjednice preko vijećnika mogu reagovati svojim primjedbama na svaki od predloženih dokumenata.

Vijećnici su u svom radu postavili 58 vijećničkih pitanja na koja je odgovoreno, uglavnom do naredne sjednice Vijeća i podnijeli 14 vijećničkih inicijativa (usvojene 4 inicijative, 3 nisu usvojene a od 7 inicijativa predlagači odustali).

Sjednicama Vijeća su u svojstvu gosta redovno pozivani: poslanici u federalnom i kantonalnom parlamentu s područja općine, OSCE, kao i predstavnici javnih preduzeća i ustanova, i drugi, kada je razmatrana određena problematika vezana za navedene institucije.

Rad svih sjednica Vijeća bio je javan, tako da su sjednicama redovno prisustvovali i mediji (TV "Smart" Tešanj i novinar Radio Tešnja gosp. Halid Fejzić). Sjednice su emitovane u jasno definisanom terminu, prva subota nakon održavanja sjednice sa početkom u 20,00 sati. Građanima općine bilo je omogućeno televizijsko praćenje sjednica Vijeća, te kraće reportaže putem TV "Smart" Tešanj i lokalnih radio stanica u trajanju od 15 minuta (Tešanjska hronika). Konačni akti redovno su objavljivani u "Službenom glasniku Općine Tešanj" (zaključno sa 01.07.2013.godine ukupno objavljeno 100 akata Općinskog vijeća). Također, rad Vijeća redovno je predstavljan na web stranici Općine Tešanj i Tešanjskom biltenu, te na druge načine.

RADNA TIJELA VIJEĆA

Za pripremanje i razmatranje prijedloga odluka i drugih akata i za praćenje i proučavanje drugih akata iz nadležnosti Vijeća, u Vijeću se obrazuju stalna radna tijela. Komisije, kao stalna radna tijela Vijeća, su u prethodnom periodu razmatrale određenu problematiku i donosile određene zaključke. Prema Poslovniku o radu, Vijeće ima deset komisija i Komisiju za primjenu Kodeksa ponašanja vijećnika u Općinskom vijeću Tešanj.

Dana 29.03.2013. godine održan je zajednički sastanak svih komisija Općinskog vijeća kome su predsjedavali Predsjedavajući Vijeća i zamjenik Predsjedavajućeg. Cilj sastanka je bio da se svi članovi komisija upoznaju neposredno sa nadležnostima, ovlaštenjima i odgovornostima pojedinih komisija, te upoznaju sa potrebom da komisije Vijeća kroz svoj rad daju doprinos poboljšanju rada Vijeća, odnosno poboljšanju odluka koje Vijeće donosi. Na sastanku je prisustvovalo 47 članova komisija.

Pored zajedničkog sastanka, održano je 20 sastanaka stalnih radnih tijela, s tim da Komisija za odlikovanja i druga javna priznanja nije održala ni jedan sastanak, što dovodi do zaključka da u ovom izvještajnom periodu nije bilo potrebe da se ova Komisija angažuje.

| R.br. | RADNA TIJELO | BROJ SASTANAKA |
|-------|--|----------------|
| 1. | Komisija za pitanja mladih | 4 sastanka |
| 2. | Komisija za ravnopravnost polova | 4 sastanka |
| 3. | Komisija za izbor i imenovanje | 3 sastanka |
| 4. | Komisija za zaštitu čovjekove sredine | 2 sastanka |
| 5. | Statutarna komisijama | 2 sastanka |
| 6. | Komisija za predstavke i prijedloge | 1 sastanak |
| 7. | Mandatno – imunitetska komisija | 1 sastanak |
| 8. | Zakonodavno-pravna komisija | 1 sastanak |
| 9. | Komisija za budžet | 1 sastanak |
| 10. | Komisija za primjenu Kodeksa ponašanja vijećnika | 1 sastanak |

Pored stalnih radnih tijela Općinsko vijeće je imenovalo i dva privremena radna tijela i to Komisija za dodjelu počasnih naziva i Komisija za provođenje javnog konkursa za dodjelu građevinskog zemljišta u državnom vlasništvu.

REALIZACIJA ZAKLJUČAKA

Uvidom u hronološki registar propisa objavljenih u "Službenom glasniku Općine Tešanj" u izvještajnom periodu, može se konstatovati da je zaključke donesene od strane Općinskog vijeća izvršna vlast uglavnom i realizirala u predviđenom roku, te da je u toku realizacija preostalih zaključaka, o čemu se Općinsko vijeće redovno informiše dostavljanjem pisanog pregleda svim vijećnicima.

ZAKLJUČCI

- a. Kada se ima u vidu ukupna realizacija planskih i vanrednih aktivnosti, može se konstatovati da je Općinsko vijeće u I polugodištu 2013. godine uspješno realizovalo svoju ulogu.
- b. Većina odluka, kao i važnijih dokumenata, usvajana je jednoglasno a nijedna predložena odluka nije odbijena.
- c. Postoji stabilan partnerski odnos između općinskog vijeća i općinskog načelnika, odnosno da se iste međusobno podupiru na zajedničkom putu realizacije politike i ciljeva u razvoju lokalne zajednice i interesa građana.
- d. Aktivnost vijeća se ogleda i kroz usvojenih 48 zaključaka upućenih općinskom načelniku i administraciji od kojih je većina realizovana, a realizacija nekih još traje.
- e. U cilju transparentnosti rada ovaj Izvještaj će biti objavljen na zvaničnoj web stranici Općine Tešanj i u narednom broju Biltena, te tako dati priliku i građanima da se upoznaju i putem ove zbirne informacije o radu Općinskog vijeća Tešanj.

PREDSJEDAVAJUĆI VIJEĆA

Fuad Šišić, dipl.ing.maš.

